



金剛般若波羅蜜經

卷之二

乾

漢漢天



多福公用
全二冊

金剛般若波羅蜜經序

夫金剛經者無相爲宗無住爲體妙
有爲用自從達摩西來爲傳此經之
意令人悟理見性祇爲世人不見自
性是以立見性之法世人若了見真
如本體即不假立法此經讀誦者無
數稱讚者無邊造疏及注解者凡八



一本宿
惠下前
者字

百餘家所說道理各隨所見見雖不
同法即無一宿植上根者一聞便了
若無宿慧讀誦雖多不悟佛意是故
解釋聖義斷除學者疑心若於此經
得旨無疑不假解說從上如來所說
善法為除凡夫不善之心經是聖人
之語教人聞之超凡悟聖永息迷心

本此
字下有
經字

此一卷經衆生性中本有不自見者
但讀誦文字若悟本心始知此經不
在文字若能明了自性方信一切諸
佛從此經出今恐世人身外覓佛向
外求經不發內心不持內經故造此
訣令諸學者持內心經了然自見清
淨佛心過於數量不可思議後之學

金剛經

者讀經有疑見此解義疑心釋然更不用訣所與學者同見鑛中金性以智慧火鎔鍊鑛去金存我釋迦本師說金剛經在舍衛國因須菩提起問佛大悲為說須菩提聞法得悟請佛與法安名令後人依而受持故經云佛告須菩提是經名為金剛般若波

鈴字本
 綱云據
 泉字志
 云安南
 高石川
 出鈴字
 一角極
 堅能碎
 金剛石
 則鈴固
 有一角
 者其金
 剛石出
 西武狀
 如紫若
 英貞鍊
 不消物
 莫能擊

羅蜜以是名字汝當奉持如來所說
 金剛般若波羅蜜與法為名其意謂
 何以金剛世界之寶其性猛利能壞
 諸物金雖至堅鈴羊角能壞金剛喻
 佛性鈴羊角喻煩惱金雖堅剛鈴羊
 角能碎佛性雖堅煩惱能亂煩惱雖
 堅般若智能破鈴羊角雖堅實鐵能

惟粉羊 角却之 則自然 水洋也
粉羊一 本作殺 羊木細 云祥珍 曰壯羊 曰殺私 景自羊 有三四 種入藥 以青色 殺羊為 勝之本 草曰羊

壞悟此理者了然見性涅槃經云見
佛性者不名衆生不見佛性是名衆
生如來所說金剛喻者祇為世人性
無堅固口雖誦經光明不生外誦內
行光明齊等內無堅固定慧即亡口
誦心行定慧均等是名究竟金在山
中山不知是寶寶亦不知是山何以

頭骨能 消鐵也 故誤吞 銅鐵者 用之
寶鐵本 直細目 公卷曰 錠鐵色 黑性堅 宜作刀 劍百卷 出寶鐵 六勝

故為無性故人則有性取其寶用得
遇金師鑿鑿山破取鑛烹鍊遂成精
金隨意使用得免貧苦四大身中佛
性亦爾身喻世界人我喻山煩惱喻
鑛佛性喻金智慧喻工匠精進猛勇
喻鑿鑿身世界中有入我山人我山
中有煩惱鑛煩惱鑛中有佛性寶佛

性寶中有智惠，工匠用智惠，工匠鑿
破人我山，見煩惱鑛，以覺悟火烹鍊，
見自金剛佛性，了然明淨，是故以金
剛爲喻，因爲之名也。空解不行，有名
無體，解義修行，名體俱備。不修即凡
夫，修即同聖智，故名金剛也。何名般
若是梵語，唐言智惠，智者不起愚心。

惠者有其方便，慧是智體，智是慧用。
體若有慧用，智不愚體，若無慧用，愚
無智，祇爲愚癡。未悟故修智慧，以除
之也。何名波羅蜜？唐言到彼岸。到彼
岸者，離生滅義，祇緣世人性無堅固，
於一切法上有生滅相，流浪諸趣，未
到真如之地，並是此岸。要具大智慧。

自一本作是

一本道路下有也字

於一切法圓滿離生滅相即是到彼岸也亦云心迷則此岸心悟則彼岸心邪則此岸心正則彼岸口說心行即自法身有波羅蜜口說心不行即無波羅蜜也何名為經經者徑也是成佛之道路凡人欲臻斯路當內修般若行以至究竟如或但能誦說心

不依行自心則無經實見實行自心則有經故此經如來號為金剛般若波羅蜜經

曹谿六祖大師慧能撰

梵語後
西羅花
言金梵
跋拏那
花剛梵
般若花
智慧梵
波羅聲
花剎彼
是梵修
多羅花
經

金剛般若波羅蜜經卷上

東晉武帝時後秦苻門鳩摩羅什奉詔譯

梁昭明太子嘉其分目

唐六祖大鑒真空普覺禪師解義

○法會因由分第一

如是我聞

如者指義是者定詞阿難自稱如是之法我從佛
聞明不自說也故言如是我聞又我者性也性即
我也內外動作皆由於性一切盡聞故稱我聞也

一本之時下有也字

諸心諸一本作知

下時佛在舍衛國祇樹給孤獨園

言一時者師次會遇齊集之時佛者是說法之主
在者欲明處所舍衛國者波斯匿王所居之國祇
者太子名也樹是祇陀太子所施故言祇樹也給
孤獨者須達長者之異名也園者本屬須達故言
給孤獨園佛者梵音唐言覺也覺義有二一者外
覺觀諸法空一者內覺諸心空寂不被六塵所染
外不見人之過惡內不被邪迷所惑故名曰覺覺
即是佛也

與大比丘衆千二百五十人俱

言與者佛與比丘同住金剛般若無相道場故言
與也大比丘者是大阿羅漢故比丘者是梵語唐
言能破六賊故名比丘衆多也千二百五十人者
其數也俱者同處平等法會

爾時世尊食時著衣持鉢入舍衛大城乞食於其城
中

爾時者當此之時是今辰時齋時欲至也著衣持
鉢者為顯教示跡故也入者為自城外而入也舍

衛太城者名舍衛國豐德城也即波斯匿王所居
之城故言舍衛太城也言乞食者表如來能下心
於一切衆生也

次第乞已還至本處飯食訖收衣鉢洗足已敷座而
坐

次第者不擇貧富平等以化也乞已者如多乞不
過七家七家數滿更不至餘家也還至本處者佛
意制諸比丘除請召外不得輒向白衣舍故云爾
洗足者如來示現順同凡夫故曰洗足又大乘法

不獨以洗手足為淨蓋言洗手足不若淨心一念
心淨則罪垢悉除矣如來欲說法時常儀敷施檀
座故言敷座而坐也

○善現起請分第二

時長老須菩提

何名長老德尊年高故名長老須菩提是梵語唐
言解空

在大衆中即從座起偏袒右肩右膝著地合掌恭敬
而白佛言

隨眾所坐故云即從座起弟子請蓋先行五種儀
 一者從坐而起二者端整衣服三者偏袒右肩右
 膝著地四者合掌瞻仰尊顏目不暫捨五者一心
 恭敬以伸問辭

希有世尊

希有略說三義第一希有能捨金輪王位第二希
 有身長丈六紫磨金容三十二相八十種好三眾
 無比第三希有性能含吐八萬四千法三身圓備
 以具上三義故云希有也世尊者智慧超過三界

無有能及者德高更無有上一切咸恭敬故曰世
 尊

如來善護念諸菩薩善付囑諸菩薩

護念者如來以般若波羅蜜法護念諸菩薩付囑
 者如來以般若波羅蜜法付囑須菩提諸大菩薩
 言善護念者令諸學人以般若智護念自身心不
 令妄起憎愛染外六塵隨生死苦海於自心中念
 念常正不令邪起自性如來自善護念言善付囑
 者前念清淨付囑後念後念清淨無有間斷究竟

金剛經 卷一
解脫如來委曲誨示衆生及在會之衆當常行此
故云善付囑也菩薩者梵語唐言道心衆生亦云
覺有情道心者常行恭敬乃至蠢動含靈並敬愛
之無輕慢心故名菩薩

世尊善男子善女人

善男子者平坦心也亦是正定心也能成就一切
功德所往無礙也善女人者是正慧心也由正慧
心能出生一切有為無為功德也

發阿耨多羅三藐三菩提心云何應住云何降伏其

心

須菩提問一切發菩提心人應云何住云何降伏
其心須菩提見一切衆生躁擾不停猶如隙塵搖
動之心起如飄風念念相續無有間歇問欲修行
如何降伏

佛言善哉善哉須菩提如汝所說如來善護念諸菩
薩善付囑諸菩薩

是佛讚嘆須菩提善得我心善得我意也

汝今諦聽當為汝說

佛欲說法常先戒敕令諸聽者一心靜默上當為說

善男子善女人發阿耨多羅三藐三菩提心應如是住如是降伏其心

阿之言無釋多羅之言上三之言止藐之言偏菩提之言知無者無諸垢染上者三界無能比止者正見也偏者一切智也知者知一切有情皆有佛性但能修行盡得成佛佛者即是無上清淨般若波羅蜜也是以一切善男子善女人若欲修行應

知無上菩提道應知無上清淨般若波羅蜜多法以此降伏其心也

唯然世尊願樂欲聞

唯然者應諾之辭願樂者願佛廣說今中下根機盡得開悟樂者樂聞深法欲聞者渴仰慈誨也

○大乘正宗分第三

佛告須菩提諸菩薩摩訶薩應如是降伏其心

前念清淨後念清淨名為菩薩念念不退雖在塵勞心常清淨名摩訶薩又慈悲喜捨種々方便化

此字蓋衍文字

導一本
作度

亂一本
作虛

導衆生名為菩薩能化所化心無取者是名摩訶
薩恭敬一切衆生即是降伏自心處真者不變如
者不異遇諸境界心無變異名曰真如亦云外不
假曰真內不亂曰如念念無差即是降伏其心也
所有一切衆生之類若卵生若胎生若濕生若化生
若有色若無色若有想若無想若非有想若非無想
我皆令入無餘涅槃

卵生者迷性也胎生者習性也濕生者隨邪性也
化生者見趣性也迷故造諸業習故常流轉隨邪

多偏墜
一本作
多偏墜
云多偏
墜一作
薩河鼻
也

心不定見趣多偏墜起心修心妄見是非內不契
無相之理名為有色內心守直不行恭敬供養但
言直心是佛不修福慧名為無色不了中道眼見
耳聞心想思惟愛著法相口說佛行心不依行名
為有想迷人坐禪一向除妄不學慈悲喜捨智
慧方便猶如木石無有作用名為無想不著一法想
故名若非有想求理心在故名若非無想煩惱萬
差皆是垢心身形無數總名衆生如來大悲普化
皆令得入無餘涅槃

金剛經

卷五

七

而滅度之

如來指示三界九地衆生各有涅槃妙心令自悟入無餘無餘者無習氣煩惱也涅槃者圓滿清淨義滅盡一切習氣令永不生方契此也度者渡生死大海也佛心平等普願與一切衆生同入圓滿清淨無餘涅槃同渡生死大海同諸佛所證也有入雖悟雖修作有所得心者却生我相名為法我除盡法我方名滅度也

如是滅度無量無數無邊衆生實無衆生得滅度者

如是者指前法也滅度者大解脫也大解脫者煩惱及習氣一切諸業障滅盡更無有餘是名大解脫無量無數無邊衆生元各自有一切煩惱貪嗔惡業若不斷除終不得解脫故言如是滅度無量無數無邊衆生一切迷人悟得自性始知佛不見自相不有自智何曾度衆生祇為凡夫不見自本心不識佛意執著諸相不達無為之理我人不除是名衆生若離此病實無衆生得滅度者故言妄心無處即菩提生死涅槃本平等何滅度之有

一本諸字下有法字

何^レ以^テ故^ニ須^ク普^提若^シ普^薩有^レ我^ノ相^ノ人^ノ相^ノ衆^ノ生^ノ相^ノ壽^ノ者^ノ相^ノ
即^チ非^ズ普^薩

衆^ノ生^ノ佛^ノ性^ト本^{ヨリ}無^ク有^レ異^レ緣^ト有^レ四^ノ相^ト不^レ入^レ無^レ餘^ト涅^槃有^レ
四^ノ相^ト即^チ是^レ衆^ノ生^ト無^ク四^ノ相^ト即^チ是^レ佛^ト迷^ハ即^チ佛^ト是^レ衆^ノ生^ト悟^ハ
即^チ衆^ノ生^ト是^レ佛^ト迷^ハ人^ト恃^ハ有^レ財^ト寶^ト學^ト問^ト族^ト姓^ト輕^ク慢^ク一^ト切^ト
人^ト名^ト我^ト相^ト雖^シ行^ハ仁^ト義^ト禮^ト智^ト信^ト而^シ意^ト高^ト自^ト負^ト不^レ行^ハ普^提
敬^ク言^ハ我^ト解^ハ行^ハ仁^ト義^ト禮^ト智^ト信^ト不^レ合^ハ敬^ク爾^ノ名^ト人^ト相^ト好^ク事^ト
便^シ已^シ惡^ク事^ト施^ハ於^テ人^ト名^ト衆^ノ生^ト相^ト對^テ境^ト取^テ捨^テ分^テ別^テ名^ト壽^ト
者^ト相^ト是^レ謂^フ凡^ノ夫^ト四^ノ相^ト修^ハ行^ハ人^ト亦^シ有^レ四^ノ相^ト心^ト有^レ能^ク所^ク

輕^ク慢^ク衆^ノ生^ト名^ト我^ト相^ト自^ト恃^ハ持^ハ戒^ト輕^ク破^ク戒^ト者^ト名^ト人^ト相^ト厭^ハ
三^ノ塗^ト苦^ト願^ハ生^ハ諸^ノ天^ト是^レ衆^ノ生^ト相^ト心^ト愛^ハ長^ク年^ト而^シ勤^ク修^ハ福^ト
業^ト諸^ノ執^ハ不^レ忘^ハ是^レ壽^ノ者^ト相^ト有^レ四^ノ相^ト即^チ是^レ衆^ノ生^ト無^ク四^ノ相^ト
即^チ是^レ佛^ト

○妙行無住分第四

復^タ次^ニ須^ク普^提普^薩於^テ法^ト應^テ無^ク所^ト住^ハ行^ハ於^テ布^シ施^ハ所^ト謂^フ不^レ
住^ハ色^ト布^シ施^ハ不^レ住^ハ聲^ト香^ト味^ト觸^ト法^ト布^シ施^ハ

凡^ノ夫^ト布^シ施^ハ祇^シ求^ハ身^ト相^ト端^ニ嚴^ク五^ノ欲^ト快^ク樂^ト故^ニ報^ク盡^ク劫^ト隨^ハ
三^ノ塗^ト世^ト尊^ト大^ト慈^ト教^ト行^ハ無^ク相^ト布^シ施^ハ者^ト不^レ求^ハ身^ト相^ト端^ニ嚴^ク

五欲快樂但令內破慳心外利益一切衆生如是相應名不住色布施

須菩提菩薩應如是布施不住於相

應如無相心布施者為無能施之心不見有施之物不分別受施之人是名不住相布施也

何以故若菩薩不住相布施其福德不可思量

菩薩行施心無所希求其所獲福德如十方虛空不可較量言復次者連前起後之辭一說布者普也施者散也能普散盡心中妄念習氣煩惱四相

此字上復次須善
從之下可有之屬

本舍
作舍

泯絕無所蘊積是真布施又說布施者由不住六塵境界又不有漏分別惟當返皈清淨萬法空寂若不以此意惟增諸業故須內除貪愛外行布施內外相應獲福無量見人作惡不見其過自性不生分別是名離相依教修行心無能所即是善法修行人心有能所不名善法能所心不滅終未得解脫念念常行般若智其福無量無邊依如是修行感得一切天人恭敬供養是名為福德常行不住相布施普敬一切含生其功德無有邊際不

可稱計

須菩提於意云何東方虛空可思量不也世尊
緣不住相布施所得功德不可稱量佛以東方虛
空為譬喻故問須菩提東方虛空可思量不也
世尊者須菩提言東方虛空不可思量也

須菩提南西北方四維上下虛空可思量不也世
尊須菩提菩薩無住相布施福德亦復如是不可思
量

佛言虛空無有邊際不可度量菩薩無住相布施

所得功德亦如虛空不可度量無邊際也世界中
大者莫過虛空一切性中大者莫過佛性何以故
凡有形相者不得名為大虛空無形相故得名為
大一切諸性皆有限量不得名為大佛性無有限
量故名為大此虛空中本無東西南北若見東西
南北亦是住相不得解脫佛性本無我人眾生壽
者若有此四相可見即是眾生性不名佛性亦所
謂住相布施也雖於妄心中說有東西南北在理
則何有所謂東西不真南北曷異自性本來空寂

混融無所分別故如來深讚不生分別也

須菩提菩薩但應如所教住

應者唯也但唯如上所說之教住無相布施即是菩薩也

○如理實見分第五

須菩提於意云何可以身相見如來不不也世尊不可以身相得見如來

色身即有相法身即無相色身者四大和合父母所生肉眼所見法身者無有形段非有青黃赤白

無一切相貌非肉眼能見慧眼乃能見之凡夫但見色身如來不見法身如來法身量等虚空是故佛問須菩提可以身相見如來不須菩提知凡夫但見色身如來不見法身如來故言不也世尊不可以身相得見如來

何以故如來所說身相即非身相

色身是相法身是性一切善惡盡由法身不由色身法身若作惡色身不生善處法身作善色身不隨惡處凡夫唯見色身不見法身不能行無住相

布施不能於一切處行平等行不能普敬一切衆
 生見法身者即能行無住相布施即能普敬一切
 衆生即能修般若波羅蜜行方信一切衆生同上
 真性本來清淨無有垢穢具足恒河妙用
 佛告須菩提凡所有相皆是虛妄若見諸相非相即
 見如來

如來欲顯法身故說一切諸相皆是虛妄若見一切諸相虛妄不實即見如來無相之理也

○正信希有分第六

須菩提白佛言世尊頗有衆生得聞如是言說意句
 生實信不

須菩提問此法甚深難信難解末世凡夫智慧微
 劣云何信入佛答在次下

佛告須菩提莫作是說如來滅後後五百歲有持戒
 修福者於此章句能生信心以此為實當知是人
 於一佛二佛三四五佛而種善根已於無量千萬佛
 所種諸善根聞是章句乃至一念生淨信者
 於我滅後後五百歲若復有人能持大乘無相戒

不妄取諸相不造生死業一切時中心常空寂不
被諸相所縛即是無所住心於如來深法心能信
入此人所謂言說真實可信何以故此人不於一
劫二劫三四五劫而種善根已於無量千萬億劫
種諸善根是故如來說我滅後後五百歲有能離
相修行者當知是人於一二三四五佛種諸善
根何名種種諸善根略述次下所謂於諸佛所一心
供養隨順教法於諸菩薩善知識師僧父母耆年
宿德尊長之處常行恭敬供養承順教命不違

其意是名種種諸善根於一切貧苦眾生起慈愍心不
生輕厭有所須求隨力惠施是名種種諸善根於一
切惡類自行和柔忍辱歡喜逢迎不逆其意令彼
發歡喜心息瞋戾心是名種種諸善根於六道眾生
不加殺害不欺不賤不毀不辱不駢不垂不食其
肉常行饒益是名種種諸善根信心者信般若波羅
蜜能除一切煩惱信般若波羅蜜能成就一切出
世功德信般若波羅蜜能出生一切諸佛信自身
中佛性本來清淨無有染污與諸佛性平等無

信六道衆生本來無相信一切衆生盡能成佛是
名清淨信心也

須菩提如來悉知悉見是諸衆生得如是無量福德
何以故是諸衆生無復我相人相衆生相壽者相無
法相亦無非法相

若有人於如來滅後發般若波羅蜜心行般若波
羅蜜行修習悟解得佛深意者諸佛無不知之若
有人聞上乘法一心受持即能行般若波羅蜜無
相無著之行了無我人衆生壽者四相無我者無

色受想行識也無人者四大不實終歸地水火
風也無衆生者無生滅心也無壽者我身本無寧
有壽者四相既亡即法眼明徹不著有無遠離二
邊自心如來自悟自覺永離塵勞妄念自然得福
無邊無法相者離名絕相不拘文字也亦無非法
相者不得言無般若波羅蜜法若言無般若波羅
蜜法者即是謗法

何以故是諸衆生若心取相則為著我人衆生壽者
若取法相即著我人衆生壽者何以故若取非法相

即著我人衆生壽考者

取此三相並著邪見盡是迷人。不悟經意故修行人不得愛著如來三十二相。不得言我解般若波羅蜜法亦不得言不行般若波羅蜜行而得成佛。是故不應取法不應取非法以是義故如來常說汝等比丘知我說法如筏喻者法尚應捨何況非法。法者是般若波羅蜜法非法者生天等法般若波羅蜜法能令一切衆生過生死大海既得過已尚不應住何況生天等法而得樂著。

○無得無說分第七

須菩提於意云何如來得阿耨多羅三藐三菩提耶。如來有所說法耶。須菩提言如我解佛所說義無有定法名阿耨多羅三藐三菩提亦無有定法如來可說。

阿耨多羅非從得但心無我所即是也。祇緣對病設藥隨宜為說何有定法乎。如來說無上正法心本無得亦不言不得但為衆生所見不同如來應彼根性種種方便開誘化導俾其離諸執著。

本動
字下有
於字

示一切衆生妄心生滅不停逐境界動前念覺起
後念應覺覺既不往見亦不存若爾豈有定法為
如來可說也阿耨者心無妄念縛多羅者心無驕慢
三者心常在正定貌者心常在正慧三菩提者心
常空寂一念凡心頓除即見佛性

何以故如來所說法皆不可取不可說非法非非法
恐人執著如來所說文字音句不悟無相之理妄
生知解故言不可取如來為化種種衆生應機隨
量所有言說亦何有定乎學人不解如來深意但

本
作
敏

誦如來所說教法不可取不可說非法非非法
故言不可說也口誦心不行即非法口誦心行了
無所得即非非法

所以者何一切賢聖皆以無為法而有差別
三乘根性所解不同見有深淺故言差別佛說無
為法者即是無住無住即是無相無相即無起無
起即無滅蕩然空寂照用齊收變覺無礙乃真是
解脫佛性佛即是覺覺即是觀照觀照即是智慧
智慧即是般若波羅蜜多又本云聖賢說法具

切知萬法在性隨問差別令人心開各自見性

○依法出生分第八

須菩提於意云何若人滿三千大千世界七寶以用
布施是人所得福德寧為多不須菩提言甚多世尊
何以故是福德即非福德性是故如來說福德多

以本
作持

三千大千世界七寶持用布施得福雖多於性上
一無利益依摩訶般若波羅蜜多修行令自性不
隨諸有是名福德性心有能所即非福德性能所
心滅是名福德性心依佛教行同佛行是名福德

性不依佛教不能踐履佛行即非福德性

若復有人於此經中受持乃至四句偈等為他人說
其福勝彼

十二部教大意盡在四句之中何以知其然以諸
經中讚嘆四句偈即是摩訶般若波羅蜜多以摩
訶般若為諸佛母三世諸佛皆依此經修行方得
成佛般若心經云三世諸佛依般若波羅蜜多故
得阿耨多羅三藐三菩提從師所學曰受解義修
行曰持自解自行是自利為人演說是利他功德

廣大無有邊際

何以故須菩提一切諸佛及諸佛阿耨多羅三藐三菩提法皆從此經出

此經者非指此下卷之文也要顯佛性從體起用妙利無窮般若者即智慧也智以方便為功慧以決斷為用即一切時中覺照心是一切諸佛及阿耨多羅三藐三菩提法皆從覺照生故云此經出也

須菩提所謂佛法者即非佛法

所說一切文字章句如標如指標指者影響之義依標取物依指觀月月不是指標不是物但依經取法經不是法經文則肉眼可見法則慧眼能見若無慧眼者但見其文不見其法若不見法即不解佛意不解佛意則誦經不成佛道

○一相無相分第九

須菩提於意云何須陀洹能作是念我得須陀洹果不須菩提言不也世尊

須陀洹者梵語唐言逆流逆生死流不染亦塵

向修無漏業得鹿重煩惱不生決定不受地獄畜
生修羅異類之身名須陀洹果若無相法即無
得果之心微有得果之心即不名須陀洹故言不
也

何以故須陀洹名為入流而無所入不入色聲香味
觸法是名須陀洹

流者聖流也須陀洹人已離鹿重煩惱故得入聖
流而無所入者無得果之心也須陀洹者乃修行
入初果也

須菩提於意云何斯陀含能作是念我得斯陀含果
不須菩提言不也世尊何以故斯陀含名一往來而
實無往來是名斯陀含

斯陀含者梵語唐言一往來捨三界結縛三界結
盡故名斯陀含斯陀含名一往來往來從天上却
到人間生從人間死却生天上竟遂出生死三界
業盡名斯陀含果大乘斯陀含者自觀諸境心有
一生一滅無第二生滅故名一往來前念起妄後
念即止前念有著後念即離故實無往來

本從
入應下
無絕字

須菩提於意云何阿那含能作是念我得阿那含果
不須菩提言不也世尊何以故阿那含名為不來而
實無來是故名阿那含

阿那含是梵語唐言不還亦名出欲出欲者外不見
可欲之境內無欲心可行定不向欲界受生故名
不來而實無來亦名不還以欲習未盡決定不來
受生是故名阿那含

須菩提於意云何阿羅漢能作是念我得阿羅漢道
不須菩提言不也世尊

諸漏已盡無復煩惱名阿羅漢阿羅漢者煩惱永
盡與物無諍若作得果之心即是有諍

何以故實無有法名阿羅漢世尊若阿羅漢作是念
我得阿羅漢道即為著我人衆生壽者

阿羅漢梵語唐言無諍無煩惱可斷無貪嗔可離
性無違順心境俱空內外常寂若有得果之心即
同凡夫故言不也

世尊佛說我得無諍三昧人中最為第一是第二離
欲阿羅漢世尊我不作是念我是離欲阿羅漢

何名無諍三昧謂阿羅漢心無生滅去來唯有本
 覺常照故名無諍三昧三昧梵語此云正受亦云
 正見遠離九十五種邪見是名正見然空中亦有
 明暗諍性中有邪正諍念念常正無一念邪心即
 是無諍三昧修此三昧人中最為第一若有一念
 得果之心即不名無諍三昧

世尊我若作是念我得阿羅漢道世尊即不說須菩
 提是樂阿蘭那行者以須菩提實無所行而名須菩
 提是樂阿蘭那行

阿蘭那是梵語唐言無諍行無諍即是清淨行清
 淨行者為除去有所得心也若存有所得心即是
 有諍有諍即非清淨道常得無所得心即是無諍
 行也

○莊嚴淨土分第十

佛告須菩提於意云何如來昔在然燈佛所於法有
 所得不不也世尊如來在然燈佛所於法實無所得
 佛恐須菩提有得法之心為遣此疑故問之須菩
 提知法無所得而白佛言不也然燈佛是釋迦佛

疑本
作蔽

授記之師故問須菩提我於師處有法可得須
菩提即謂法因師開示而實無所得但悟自性本
來清淨本無塵勞寂然常照即自成佛當知世尊
在然燈佛所於法實無所得如來法者譬如日光
明照無有邊際而不可取

須菩提於意云何菩薩莊嚴佛土不也世尊何以
故莊嚴佛土者即非莊嚴是名莊嚴
清淨佛土無相無形何物而能莊嚴耶唯以定慧
之寶假名莊嚴事理莊嚴有三第一莊嚴世間佛

土造寺寫經布施供養是也第二莊嚴身佛土見
一切人普行恭敬是也第三莊嚴心佛土心淨即
佛土淨念念常行佛心是也

是故須菩提諸菩薩摩訶薩應如是生清淨心不應
住色生心不應住聲香味觸法生心應無所住而生
其心

此修行人不應談他是非自言我能我解心輕未
學此非清淨心也自性常生智慧行平等慈下心
恭敬一切衆生是修行人清淨心也若不自淨其

帶本
作長

心愛著清淨處心有所住即是著法相見色著色
住色生心即是迷人見色離色不住色生心即是
悟人住色生心如雲蔽天不住色生心如空無雲
日月常照住色生心即是妄念不住色生心即是
真智妄念生則暗真智照則明明則煩惱不生暗
則亦塵競起

須菩提譬如有人身如須彌山王於意云何是身為
大不須菩提言甚大世尊何以故佛說非身是名大
身

色身雖大內心量小不名大身內心量大等虛空
界方名大身色身縱如須彌山不為大也

○無為福勝分第十一

須菩提如恒河中所有沙數如是沙等恒河於意云
何是諸恒河沙寧為多不須菩提言甚多世尊但諸
恒河尚多無數何況其沙須菩提我今實告汝若
有善男子善女人以七寶滿爾所恒河沙數三千大
千世界以用布施得福多不須菩提言甚多世尊佛
告須菩提若善男子善女人於此經中乃至受持四

句偈等為他人說而此福德勝前福德

布施七寶得三界中富貴報講說大乘經典令諸

聞者生大智慧成無上道當知受持福德勝前七

寶福德

金剛般若波羅蜜經卷上

